

Հ Ա Ն Գ Ի Ս Տ
ԳԵՐԱՇԵՆՈՐՀ Տ. ՍՈՒՐԵՆ ԵՊԻՍԿՈՊՈՍ ԹՈՐՈՍՅԱՆԻ
(1884—1962)

Հունիսի 1-ին, երկարատև և ծանր հիվանդությունից հետո, Բաքվում վախճանվեց Մայր Աթոռի միաբան գերաշնորհ Տ. Սուրեն եպիսկոպոս Թորոսյանը։

Հանգուցյալը ծնվել էր 1884 թվականին Այաշկեբրտում (Թոփրաղկալի), գյուղական ընտանիքում։

Նախնական կրթությունն ստացել է ծխական դպրոցում և ապա ընդունվել Կեդրոսյան ճեմարան, որն ավարտել է 1907 թվականին։ 1907—1913 թվականներին զբաղվել է ուսուցչությամբ։ 1913 թվականին դարձել է կուսակրոն քահանա։

1913—1923 թվականներին նշանակվել է Ամարասի վանքի վանահայր և մինչև 1945 թվականը միաժամանակ զբաղվել է ուսուցչությամբ։

1943—1945 թվականներին նշանակվել է Հյուսիսային Կովկասի թեմի առաջնորդ, իր լավագույն ծառայությունների համար նույն թվականին վարձատրվել է վարդապետական լանջախալով։

1945 թվականին ձեռնադրվում է եպիսկոպոս և նշանակվում Ռումինիայի թեմի առաջնորդ։

1947—1954 թվականներին, առաջնորդական պաշտոններ է վարում Բաքվի, Հյուսիսային Կովկասի և Շիրակի թեմերում։

1955—1962 թվականներին, հիվանդության պատճառով, Սուրեն սրբազանը բաշվել էր աշխատանքից և մնում էր Մայր Աթոռում։

Հուլիսի 3-ին, ուրբաթ օրը, Բաքվի հայոց Ս. Գրիգոր Լուսավորիչ եկեղեցում կատարվեց հանգուցյալի վերջին օժման արարողությունը։

Բաքվի հայոց թեմի առաջնորդ հոգեշնորհ Տ. Հուսիկ վարդապետ Սանթուրյանը մատուցեց Հոգեգալստյան սուրբ պատարագը։

Մայր Աթոռի լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանը կատարեց հանգուցյալ Տ. Սուրեն եպիսկոպոս Թորոսյանի վերջին օժույթ և իր



զամբանական քարույում խոսեց նրա կյանքի և գործունեության մասին։

Հանգուցյալի վերջին օժման և թաղման արարողություններին իր մասնակցությունը բերեց նաև հոգեշնորհ Տ. Մխրատ պրևլատ Պալյանը։

Հանգուցյալի աճյունը ամփոփվեց Բաքվի հայոց դերեգմանատանը։

Գերաշնորհ Տ. Սուրեն եպիսկոպոս Թորոսյանը գիտակից, դարպացած և հայրենասիր հոգևորական էր։

Հանգի ստ. նրա ոսկորներին։

